

«ԱՐԵՒԵԼՔ-ԱՐԵՒՄՈՒՏՔ» ՅԱՐԱԲԵՐԱԿՑՈՒԹԻՒՆԸ Հ. ՂԵՒՈՆԴ ԱԼԻՇԱՆԻ ՊԱՏՄԱՓԻԼԻՍՈՓԱՅՈՒԹԵԱՆ ՄԷԶ

Աշխարհում այսօր ստեղծուած իրավիճակը վկայութիւնն է այն բանի, որ իր աւարտին է մօտենում արեւմտեան արժեհամակարգի գերիշխանութեան ներքոյ կենսագործուող մեր քաղաքակրթութեան պատմութեան մէջ համաշխարհայնացման վերջին վարկածը: Չափազանց տնտեսականացմամբ եւ տեխնոլոգիականացմամբ ու այդ գործընթացները սպասարկող գիտութեան բացաձականացմամբ «տառապող» համաշխարհայնացման այդ վարկածը «յաղթահարել» է Տիեզերական օրէնքները, որոնք կոչուած են արտայայտելու մարդու/ազգի հասարակական կեանքում եւ մըշակութաստեղծ գործունէութեան մէջ որպէս հոգեբարոյական բարձրագոյն սկզբունքներ՝ դրանով իսկ ապահովելով մարդու կեցութեան իմաստի ու նպատակի ճշմարիտ ըմբռնումը:

Համաշխարհայնացման արդի վարկածի դէմ պայքարը արտայայտուել է գեռեւս ԺԹ. դարի հայ պատմափիլիսոփայական գիտակցութեան մէջ եւ յատկապէս հայ կրօնական մտածողների (իմ եզրութաբանութեամբ՝ հայ պահպանողականների) աշխարհայեցքում: Նրանց համար ինդրի առանցքը պատմութեան գիտականութեան արեւմտածին գաղափարի մերժումն էր: Հէնց այդ տեսանկիւնից էլ քննելի է «Արեւելք-Արեւմուտք» յարաբերակցութեան նրանց ըմբռնումը: Պատմափիլիսոփայութեան եւ, ի մասնաւորի, հայ պատմափիլիսոփայութեան կարեւորագոյն խընդիրներից մէկը՝ «Արեւելք-Արեւմուտք» հիմնախնդիրը, յայտնի պատճառներով հայ մտածողների համար վերածուել է աշխարհայեցքային եւ գաղափարախօսական բարդ երկընտրանքի¹: Խնդ-

1 ՄԻՐՈՒՄԵԱՆ ՌԻՄԱՆ, Պատմափիլիսոփայական հայեցակարգերը ԺԹ. դարի հայ փիլիսոփայուրեան մէջ. Մերողաբանական վերլուծութիւն, Երևան 2003, էջ 96:

րի հայ լուսաւորիչների (իմ եզրութաբանութեամբ՝ հայ ազատականների) մեկնաբանումը յանդեցւում է քաղաքակրթութեան ծագման եւ զարգացման ուղղուածութեան սահմանման եւ, դրանով պայմանաւորուած՝ առաջադիմութեան ընդհանուր հոսանքում ազգերի ներգրուելու միջոցների ճշգրտմանն ու հիմնաւորմանը: Մինչդեռ այս խնդրի հայ պահպանողականների վերլուծութեան մէջ դիտարկում է մի այլ նպատակադրում՝ մարդկային կեցութեան բարձրագոյն իմաստով եւ քաղաքակրթութեան ծագմամբ պայմանաւորուած՝ արեւելեան եւ արեւմտեան քաղաքակրթութիւնների որոշակի դիմակայութեան, փոխներգործութեան, հետեւաբար՝ նաեւ պատմութեան այդ համապտոյանների (մէգացիկ-լերի) ամբողջականութեան հաստատումը: Վերջինս առաւել ցայտուն է դրսեւորում հայ կրօնական մտածող, Միսիթարեան միաբանութեան ակնառու ներկայացուցիչ Հ Ղեւոնդ Ալիշանի պատմափիլիստիական հայեցակէտում, որտեղ պատմութեան ժամանակատարածական սահմանների որոշմամբ իմաստաւորում է առաջադիմութեան բուն էութիւնն ու քաղաքակրթութեան խորհուրդը:

Հ. Ղ. Ալիշանը ձեւակերպում է Արեւելքի եւ Արեւմուտքի հետեւեալ ժամանակային յարաբերութիւնը. Արեւելքը մարդկութեան ծերութիւնն է, մինչդեռ Արեւմուտքը՝ մարդկութեան երիտասարդութիւնը: Դրանով իսկ նա լուծում է քաղաքակրթութեան սկզբնաւորման եւ զարգացման ուղղուածութեան խնդիրը: Ըստ այդմ, մտածողը ճանաչում է Արեւելքի հոգեւոր նախաձեռնումը, որ բացայատելի է նրա հետեւեալ սահմանմամբ՝ Արեւելքը «Լուսարուղի» է, իսկ Արեւմուտքը՝ «Լուսընկալ»: Այս իմաստով է ըմբռնելի Ալիշանի հետեւեալ դատաղութիւնը. «Նոր բան տեսնելու փափազը գովելի է, ես առաւել սովորելուն. Քանի որ յարմար հասակ ունի մարդ՝ թող հետեւի սովորելու: Իսկ իմ (Արեւելքի. - Ռ. Մ.) բագաւորութիւնն որ կը հարցընես, ահա այս կիսանապատ ու կիսադրախոտ երկիրն է, որուն սահմանները քու (Արեւմուտքի. - Ռ. Մ.) հայրեննացդ սահմաններուն խառնած են, թէպէտ եւ դու այնչափ ալ հեռու կարծես: Ժամանակին վրայ ալ հոգ մըներ, վասն զի հոս թէպէտ երկայն ատեն արեւը խոնարհած կը մնայ, բայց գիշեր ըըլլար»²: Արեւելքի եւ Արեւմուտքի քաղաքակրթական նշանակալիութեան այսպիսի բանաձեւումը ենթադրում է Արեւելքի քաղաքակրթական մշտնջենական դերակատա-

2 ԱԼԻՇԱՆ, Հ. Ղ., Արեւելք եւ Արեւմուտք, «Բազմավէպ», Թ (1851), թիւ 8, էջ 114:

բութեան եւ Արեւմուտքի վրայ ներգործելու անհրաժեշտութեան, հետեւաբար՝ նաեւ Արեւելքի եւ Արեւմուտքի ժամանակային եւ տարածական սահմանների յարակցութիւնը։ Նման մօտեցումը, ըստ էութեան, հերքում է եւրապական (արեւմտեան) Լուսաւորականութեան մէջ արմատաւորուած՝ պատմութեան ժամանակային յարացոյցին տարածական յարացոյցի յանգեցումը, դրանով իսկ մարդկութեան էթնոմշակութային յիշողութեան նենգափոխման (արեւելեան ազգերի էթնոմշակութային դիմազրկման) Արեւմուտքի միտուածութիւնը։ ԺԹ. դարի կէսերին Ալիշանի կողմից մերժուած այս միտումը ժամանակի ընթացքում ոչ միայն չի յաղթահարուել Արեւմուտքի կողմից, այլև վերածուել է մեծ չարիքի ողջ մարդկութեան համար՝ համաշխարհայնացման գաղափարաբանութեան ներքոյ կազմաքանդելով պետութիւններն ու սեփական դիմագծից զրկելով ազգերին։ Այդ նպատակին համեմ համար Արեւմուտքը նախ եւ առաջ ջնջում է ազգերի պատմական (մշակութային) յիշողութիւնը³:

Արժեւորելով Արեւմտեան առաջադիմութեան բնոյթը եւ տարածման ուղղուածութիւնը՝ Ալիշանը գտնում է, որ արեւմուտեան հոգեմտակերպում ամրագրուած Արեւելքի կատարելագործման եւ «Ալերակենդանացման» գաղափարը անհիմն է մի քանի առումներով։ Նախ, նա հրաժարում է «Արեւմուտքի մենաշնորհն է առաջադիմութեան նախապայման հանդիսացող լուսաւորութիւնն ու գիտաբիւթը» համադրոյթից՝ իբրեւ արեւմտեան աշխարհըմբռնման արդիւնք։ Մինչդեռ «արեւմտեան լուսաւորութիւն» երեւոյթը նա համարում է, ըստ էութեան, յարաբերական, քանզի՝ ա) դրա սկզբնաւորումը եղել է ընդամենը Հռոմէկան հանրապետութեան վերջին շրջանում, բ) այն, ինչով հպարտանում է Արեւմուտքը (գիտութիւն, արուեստ, դպրութիւն, վաճառականութիւն) սկիզբ է առել Արեւելքում։ Հետեւապէս, Արեւմուտքի տեսանկիւնից Արեւելքի յետամացութիւնը թուացեալ է, քանզի «ժամանակը երթալով կը զարգանայ»։ Բացի այս, «դրու (Արեւմուտքը. - Ռ. Մ.) իմա ի՞նչ ըլլալդ կը տեսնես, իմ (Արեւելքի. - Ռ. Մ.) ի՞նչ եղած ըլլալս ինչո՞ն գիտես»⁴:

3 Հմմտ. МИРУМЯН РИММА, Армянское культурное наследие как механизм самозащиты нации в условиях глобализации // «Армения в диалоге цивилизаций». Материалы международной научной конференции, 28 апреля 2011 г. – Нижний Новгород: Деком, 2011 г., 83.

4 ԱԼԻՇԱՆ, Հ. Դ., Արեւելք եւ Արեւմուտք, «Քազմավէպ», Թ (1851), թիւ 8, էջ 118:

Արեւմուտքի քաղաքակրթական մեծ սխալը «նորապաշտութիւն» է, որի հետեւանքով Արեւմուտքը անհանդուրժողութիւն է դրսեւորում Արեւելքի նկատմամբ: Արեւելքի պաշտպանած «հնութիւնը» հէնց Արեւելքի ծնունդն ու սեփականութիւնն է, ինչը Արեւմուտքը ձգտում է կամ «քարգմանել կամ շնչել»: Արեւմուտքի ընտրած ճանապարհը սխալական համարելով՝ Ալիշանը պնդում է. «Արեւելցոց հնութիւնն աեր աչքին փուշ եղած է. գլխական հնապաշտ կ'ըսէք... Բայց որ՞չափ քու որդիիք ալ նորապաշտութեամբ կը սխալին. զմեզ դիւրահաւան կ'ըսէք մեր նախնեացը զրուցածներուն, զմեզ ո՞քչափ անհաւան չ'ըսեմ ամենուն, բայց ի' աեր խելքէն: Մենք հնութիւնն կը սիրենք, վասն զի մերն է, ինչպէս ծեր մը իր տարիքն կը սիրէ յիշենավ գլխէն անցածներն. դուք միայն երեկուան բաներն մօս կը տեսնաք. աեր հազարը՝ մեզի հարիւր է... մէկ կողմանէ դու (*Արեւմուտքը. - Ռ. Մ.*) ալ կ'ափշիս կը գուարենանս հնութեանց վրայ՝ մէկ ալ կողմէն կ'արհամարեն եին աւանդութիւններն. եւ սակայն գիտցիք՝ որ տեղական աւանդութիւններն քու ամեն զանձեղ վեր են: Արեւելքի գիտութիւնն միայն արեւելքէն կը նաև ունենալ»⁵: Արեւելքի աւանդապահութեան խորքային պատճառը եւ բարձրագոյն իմաստը մտածողը համարում է Արեւմուտքի կողմից բացասուող արեւելեան ժողովուրդների «ազգապաշտութիւնը», ինչը անհնարին է գնահատել Արեւմուտքի «պարծեցած լուսովը»: Ելնելով դրանից՝ նա հաստատում է, որ Արեւելքի քաղաքակրթական դերակատարութեան՝ իր «մարդկութիւնն յաւիտենական օրինացն յարմարցընելու» համար անընդունելի է արեւմտեան առաջադիմութեան աղբիւրի՝ մտաւոր զարգացման սկզբունքը: Հէնց «ազգապաշտութիւն-մարդկայնութիւն» գաղաքարադրոյթների լոյսի ներքոյ է արժեւորելի արեւմտեան քաղաքակրթութեան հիմնաքարերի՝ «ազատութիւն» եւ «ազատամուտութիւն» կարգախոսների Ալիշանի մեկնաբանումը:

Հստ նրա՝ յիշեալ կարգախոսները Արեւմուտքին չեն դարձել իրապէս ազատ: Արեւմուտքը գերի է ինքն իրեն, քանզի արեւմտեան հասարակական կեանքը հիմնուած է մարդուն ըստ էութեան անազատ դարձնող շահի սկզբունքի վրայ: Անգամ քրիստոնէական վսեմ կրօնը արեւմտեան ժողովուրդների կողմից

5 ԱԼԻՇԱՆ, Հ. Դ., Արեւելք եւ Արեւմուտք, «Բազմավէպ», Թ (1851), № 11, էջ 163:

ընկալում եւ արժելորւում է այդ սկզբունքի տեսանկիւնից⁶: Միաժամանակ, ազատութիւնն իբրեւ կենսաձեւ հոչակած Արեւմուտքը ձգտում է այդ կարգախօսի «տակ մտցնել» ողջ աշխարհը՝ այն դիտելով որպէս սեփական ամառանոցային հողամաս, ինչը անհամապատասխան է ազատութեան վսեմ խորհրդին: «Ազատութիւնն մարդուս գերազոյն կատարելութիւնն է... բայց թէ որ բանին յարմարցուցած ըլլայ: ազատամուութիւնն ճեզի շատ օգուտներ ըրած է... բայց չնև գիտեր՝ թէ ըրած վնասներէն ալ շա՞տ են թէ չե»⁷: Այս տեսանկիւնից ընկալելի է Ալիշանի այն միտքը, որ արեւմտեան առաջադիմութիւնը աւելի վտանգաւոր է, քան արեւելեան «յետամնացութիւնը», քանզի վերջինս չի վնասում մարդկայնութեանը: Մեծարելով արեւմտեան գիտական առաջընթացը, մտածողը, սակայն, գտնում է, որ «Արեւելի իր ամէն մքութեամբն եւ տղիտութեամբ շատ աւելի խոր իշած է մարդկութեան մէջ, կամ աւելի գիտէ բուն մարդուս գիտութիւնն, քան Արեւմուտք»⁸: Այնուամենայնիւ, մարդկութեան համընդհանուր առաջընթաց շարժմանն անհրաժեշտ է «իբրարու օգնելու իւրաքանչիւր իր առաւելութեամբն» Արեւելքի եւ Արեւմուտքի ձգտումը:

-
- 6 Ալիշանը, ըստ էութեան, շեշտադրում է արեւմտաեւրոպական մշակոյթի այն առանձնայատկութիւնը, որը յետագայում պատմափիլիսոփայական հայեցակարգերի մէջ (եւ ոչ միայն հայ) պէտք է դիսուէր որսկէն երկու (արեւելեան եւ արեւմտեան) մշակութային աշխարհների արմատական հայեցարդն գլխաւոր պատճառ, այն է՝ քրիստոնեութեան ռացիոնալացումը: Այսպէս, ի. Կիրիեւսկու պատմափիլիսոփայութեան մէջ հաստատում է այն միտքը, որ արեւմտաեւրոպական զարգացումը՝ պայմանաւորուած հերանսական-հռոմէական ուայինալութեամբ, հանգեցրել է քրիստոնեութեան էութեան նենգափոխմանը: Աւելին, Արեւմըստեան նկենցիկն, հաւատը ենթարկելով քանականութեան տրամարանական պահանջներին, դեռևս Թ. դարում Ռեֆորմացիայի հիմքն է դըրել (տե՛ս ԿԻՐԵԵՎСԿИЙ. Ի., *О характере просвещения Европы и его отношения к просвещению России / КИРЕЕВСКИЙ И., Критика и эстетика*, М., 262-263): Եթէ Կիրիեւսկին քննարկում է խնդիրը արեւմտաեւրոպական ժողովուրդների պատմամշակութային զարգացման լայն համատեքսում, ապա ժամանակակից հետազոտող Ֆ. ֆոն Հալեմ Ֆրիդրիխ ֆոն. *Историко-правовые аспекты проблемы Восток-Запад // «Вопросы философии*, М., 2002, № 7, 26-51):
- 7 ԱԼԻՇԱՆ Դ., Արեւելի և Արեւմուտք, «Բագմավէպ», Թ (1851), թիւ 11, էջ 165:
- 8 Անդ, 166:

«Արեւելք-Արեւմուտք» հիմնախնդրում Ալիշանի շեշտադը-րած հարցերը եւ դրանց յաղթահարման ուրուագծած մօտեցումները համահունչ են արդիականութեան համընդհանուր խնդիրներին եւ դրանց լուծման որոշ նախագծերին: Այսօր մարդկութեան առջեւ ծառացած են աշխարհաքաղաքական եւ էթնոմշակութային իրավիճակի ու դրանով պայմանաւորուած՝ ազգերի ինքնութեան (Հոգեւորի) եւ պետութիւնների ինքնիշխանութեան պահպանման խնդիրները: Այս խնդիրների իմաստային առանցքն է կազմում արեւմտեան տնտեսական, քաղաքական եւ մշակութային մտակաղապարների ընդարձակմամբ պայմանաւորուած՝ անձնաւորութեան միասնացման, գիտակցութեան աշխարհաքաղաքական հարթմանը յանդեցնող եւ իր ազգեցութեան ոլորտը (այդ թւում՝ նաեւ Արեւելքը) գաղութային տիպի «գորալ գիւղի» վերածող Արեւմուտքի նորազատամտականութեան յարձակողականութեան քաղաքականութեան յաղթահարումը: Արդի մարդկութեան առջեւ ծառացած այս լուրջ խնդիրը, որի լուծումից է կախուած մարդկութեան յետագայ գոյութիւնը, իր ձեւակերպումը ստացել է գեռեւս երոպական Լուսաւորականութեան (ԺՀ. դար) գաղափարաբանութեան մէջ: Համասեռ աշխարհի իդէալին կողմնորոշուած երոպական Լուսաւորականութիւնը, ըստ էութեան, չէր մշակել մշակոյթների բազմակիութեան սբզբունքը, որի Ձերմեռանդ պաշտպաններն էին ԺԹ. դարի հայ լուսաւորիչները: Ընդսմին, նրանց մշակած յիշեալ սկզբունքը սահմանելի է որպէս ներքին, Հոգերազրոյական երաշխիք պարունակող պատմական տեսունակութեան յարացոյց: Հայ ազգի ինքնութեան պահպանան հիմնաւորմանն ուղղորդուած այս մօտեցումը յատուկ հնէղութիւն է ստացել արդի աշխարհում: Այսօր ակնյայտ է դարձել այն իրողութիւնը, որ մարդկութեանը՝ իբրեւ պատմամշակութային համակարգի, ներյատուկ է «երկիխագնդային կառուցուածք»՝ պայմանաւորուած «Արեւելք-Արեւմուտք» դիմակայութեամբ, ինչն ունի գոյաբանական-մարդաբանաբան խոր իմաստ: Նման կառուցուածքը որոշակի հաւասարակշռութիւն է հաստատում յիշեալ համակարգում, դրանով իսկ նպաստում մարդկութան յետագայ զարգացմանը⁹:

Միւս կողմից, մարդկութեանը անհրաժեշտ է այն ճշմարտութեան ըմբռնումը, որ ազգային գունակազմութիւնը բնութեան կողմից եւ դրա օրէնքներով մարդկութեանը տրուած մեծ

9 ЯСПЕРС К., Смысл и назначение истории, М. 1991, 115-116.

բարիք է. գենետիկական բազմազանութեան նման ազգային բազմազանութիւնը կոչուած է ճակատագրի անակնկալներից պաշտպանելու հօմո sapiens տարատեսակութիւնը¹⁰: Հետաքրքրական է նաև այն հանգամանքը, որ ժԹ. դարի հայ լուսաւորական պատմափիլիսոփայութեան մէջ ուրուագութով՝ «ազգութեան գաղափարի իրականացումը Պատմութեան գերագոյն նպատակն է» բանաձեւը ի յայտ է գալիս ի. դարի հայ գաղափարախօսների պատմափիլիսոփայական հայեցակարգերում, այն էլ ժԹ. դարի հայ լուսաւորական պատմափիլիսոփայութեանը բնորոշ՝ «ազգութիւն-ազգիայրենիք-ազգային մշակոյք» գաղափարադրոյթների շաղկապմամբ (Վ. Նաւասարդեան):

Տարիմասատօքէն նորութիւնը պաշտամունքի վերածած արդի ժամանակաշրջանում անցանկալի է համարւում ազգի պատմական անցեալին դիմելը: Սակայն, իր «ներքին կարգով» ազգի հոգեւոր մշակոյթի պատմութիւնը ժամանակի մէջ աշխարհի եւ մարդու մասին նոյն ազգի կողմից նախկինում ստեղծուած պատկերացումների ծաւալումն է: Այդ իսկ պատճառով՝ Արդիականութեան մարտահրաւէրների համարժէք պատասխանները նախ եւ առաջ որոնելի են ազգի պատմամշակութային ժառանգութեան մէջ: Վերջինն նպաստում է նաեւ ազգի հոգեւոր մշակոյթի կենսունակութեանը, իսկ այդ հենքի վրայ՝ ազգի պատմական հեռանկարի սահմանմանը: Ազգի պատմական անցեալը նրա՝ իրեւ կուռ ընդհանրութեան, կարեւորագոյն հիմքն է: Իւրաքանչիւր ազգի մշակոյթի հիմքում ընկած են նոյն ազգի կողմից պատմականութէն ճենաւորուած կենսական կողմնորոշիչները, աշխարհապատութեան տարատեսակը, որոնք ազգի պատմական գոյութեան ամէն մի փուլում արտացոլում են նոյն ազգի միասնութեան համար անհրաժեշտ հոգեւոր կապը, որ ծնունդ է տալիս ժողովրդի պատմական յիշողութեանը եւ պահպանում այն: Ազգի մշակութային արժէհամակարգը համայարաբերական է այդ մշակոյթների կրողների հոգեւոր կարգին: Դրանով է բացատրելի այն հանգամանքը, որ հէնց այդ արժէքները ստեղծած ժողովրդի պատմական յիշողութիւնը որոշակի իմաստ է հաղորդում այդ արժէքներին եւ ներդրում դրանք մարդկութեան հոգեւոր ժառանգութեան պահոց¹¹:

10 МОИСЕЕВ Н., Человек и ноосфера, М. 1990, 349.

11 ՄԻՐՈՒՄԵԱՆ, Ռ. Ա., Անամիա Ծրբակացին եւ վաղ միջմադարեան հայ եռգեւոր մշակոյթը, ի հասարակագիտական միտմը արդի ժամանակաշրջանում, Երևան 2012, էջ 32:

ԺԹ. Դարի հայ պահպանողականների պատմական մտածողութեան յարացոյցը յանդում է «առաջադիմութիւն-քարոյականութիւն-անձնաւորութիւն (մարդ, ազգ) - ազասութիւն-արդարութիւն-մարդասիրութիւն» շաղկապմանը։ Այս տեսանկիւնից մեկնարանելի է ազգերի պատմականութեան խնդրի Ալիշանի իմաստաւորումն ու արժեւորումը։ Ի տարբերութիւն եւրոպական լուսաւորիչների՝ Ալիշանը ընդլայնում է խնդրի ժամանակային ու տարածական սահմանները եւ հաստատում, որ բոլոր ազգերը՝ ինչպէս հին, այնպէս էլ նոր, «իրենց միայն կրթութեան պատիւը սեփականելով» մէկալանց նուաստ կամ բացասական անուն մը կու տան»։ Այսպէս, պարթեւներն իրենց անուաննել են «Արիիք», իսկ միւս ազգերին՝ «Անարիիք»։ Զինացիներն այդ յարաբերութիւնը ճեւակերպել են որպէս «Աչեն-Անաչք», իսկ հայերը՝ իբրև «Մեծ-Փոքք»։ Եւրոպական աւանդոյթում այդ միտումն արտայայտում է նախ՝ յոյների, այնուհետեւ՝ հռոմէացիների, իսկ յետագայում՝ նաեւ եւրոպական նոր ազգերի հոգեմտակերպում։ «Հոռմայեցիք որ իրենց գլեմիրովը Յունաց քաղաքականութիւն ալ ժառանգեցին, գոնի ըստ իրենց կարծեացը, անոնցմէ սորվեցան ամէն ազգաց ալ բարբարոս ըսել բաց յիրենց եւ ի Յունաց։ Եւրոպացւոց մէջ երբ նոր տէրութիւններն ծաղկիլ սկսան՝ աշխարիին մէկալ մասանց բնակչաց բարբարոս կ'ըսէին...»¹²։

Միւս կողմից, մտածողը շրջանցում է լուսաւորիչների եւ պահպանողականների միջեւ գոյութիւն ունեցող տարածայնութիւնների գլխաւոր առարկան։ Բարբարոսութիւնն է նախորդել քաղաքակրթութեանը, թէ՞ հակառակը եւ, գտնում ա) կան ազգեր, որոնց բարբարոսութեան շրջանը յայտնի չէ (օրինակ, հայերի), բ) վաճառական, հողագործ եւ հովուական կեանքով ապրողները (հայեր, ասորիներ, հին պարսիկներ, հնդիկներ, հրեաներ, եղիպատացիներ)։ «Հեշտութեամբ» են անցնում քաղաքակրթութեանը թափառական եւ ոսորդական կեանքով ապրողների համեմատութեամբ։ Այս հարթութեան վրայ ընկալելի է եւրոպացիների ճեւակերպած ազգերի քաղաքակրթուածութեան (պատմականութեան) չափանշի՝ «Ճեռագործ յիշատակների» անհրաժեշտութեան նրա մերժումը։ Ալիշանը ինքնին մերժումը բացարում է նրանով, որ «շատ յեղ կամ իրենց եստի բարբարոսութիւնը զանոնի ջնջած են»։ Միւս կողմից, նա պնդում է, որ հին յոյները «մասամբ իրաւամբ, եւ մասամբ պարծենելուաւթեամբ եւ մասամբ

12 ԱԼԻՇԱՆ, Հ. Դ., Բարբարոս եւ բարերարոց, «Բազմավէպ», Ը (1850), թիւ 9, էջ 130։

ստուքեամբ միայն զիրեմբ ժաղաքավար (քաղաքակիրթ. - Ռ. Մ.) սեպած են նախ. ստուքեամբ՝ վասն զի իրենցմէ շատ առաջ ժաղաքարած էին Ասորեստանեայք, Եգիպտացիք, Հրեայք, Հայք, եւ այլն. սնափառուքեամբ՝ վասն զի ուրիշներէն առած լոյսերնին իրենց սեպեցին եւ չունեցածնուն վրայ ալ պարծեցան. իրաւամբ՝ վասն զի ժան զամէնքը գերազանցեցին գեղեցիկ նաշալաւ եւ բոլոր եւրոպական լուսաւորուքեան եւ Ասիոյ մասին ալ օրինակ եղան, որով եւրոպայէն ալ աշխարհիս մէկալ կողմերուն սփուլուն պատճառն ալ իրեն կը սեպուին»¹³:

Ալիշանի դատողութիւնների ողջ նշանակալիութիւնը ըմբռնելու համար հարկ եմ համարում այն համեմատել քննարկուող հարցի վերաբերեալ ժԹ. դարի հայ ազատական մտածող Ստեփանոս Պալասանեանի մօտեցման հետ։ Նա հին յոյների մենաշնորհն է համարում ազգային մշակոյթի ստեղծումն ու զարգացումը՝ իբրև Հին Յունաստանի հասարակական կառուցուածքի ժողովրդավարականութեան եւ հին յոյների հասարակական կեանքի հրապարակայնութեան արդիւնք. «Ի՞նչ զարմանք, որ Յոյները նանաշերով իրանց գերազանցութիւնը ուրիշ ազգերի վրայ, միայն իրանց էին համարում մարդիկ, իսկ օտարեներին բարբարոս էին անուանում, եւ չին կամենում մի եւ նոյն իրաւունքները շնորհել նրանց, որնց հօր կամ մօր երակների մէջ մաքուր ու անխառն արենական արիւն չէր խաղում»¹⁴:

Բատկանչական է Ալիշանի այն պնդումը, թէ աշխարհի բարգաւաճող մասը, այսինքն՝ Եւրոպան, «գրեթէ բոլոր բարբարոսուքեան մէջ քաղուած է», քանզի քաղաքակրթուածութիւնը, Եւրոպացիների ընկալմամբ, բարբարոսութիւնից շատ չտարբերուող երեսոյթ է: Ըստ նրա, Եւրոպացիների «բարբարոսուքեան» պատճառը նրանց տգիտութիւնն է (հոգեբարոյական իմաստով) եւ կեղծ հայրենասիրութիւնը: Ալիշանի այս պնդումը որոշ հայ պահպանողականների հայեացքներում վերածում է Եւրոպական քաղաքակրթութեան բացայացտ քննադատութեան: Այսպէս, Գ. Մուրադեանը գտնում է, որ մարդու իմացականութեան զարգացման արդիւնքը՝ Եւրոպական քաղաքակրթութեան «բարիքները» եւ, յատկապէս, մեքենաներն ու «մահարոյր» զէնքը «փոխանակ եր-

13 ԱԼԻՇԱՆ, ՀՂ., Բարբարոս եւ բարեբարոյ, «Բազմավէպ», Ը (1850), թիւ 9, էջ 131:

14 ՊԱԼԱՍԱՆԵԱՆ Ս., Պատմութիւն հայոց գրակամուքեան, հ. 1, Թիֆլիս 1865, 17-18:

շամիկ ժողովրդեան մը, անհանդարու ամբոխ մի կը կացուցանեն, ամբոխ մի՝ անսանձ իւր կրից մէջ, անհարազատ՝ իւր գործոց մէջ եւ խուժ՝ իւր յարաքերութեանց մեջ, հետեւարար անտեղեակ եւ անգիտակ իւր վսեմ կոչման. մէկ խօսքով ամբոխ մի, որ զագիր որդան մը նման երկրաքարշ կը տառապիի¹⁵: Ալիշանի պնդմամբ ճշմարիտ քաղաքակրթութիւնը պայմանաւորուած է քրիստոնէական գաղափարների կենսագործմամբ. «Քրիստոս Աստուած նորոգող մարդկային բնութեան՝ մէկ հատիկ եշմարիտ կապ ճշմարիտ ընկերութեան դրաւ զընկերասիրութիւնը. «Սիրեցել զմիմնան. Սիրեցես զընկեր քո իրեւ զանձն քո»: Ինչուան որ այս օրէնքս... չհաստատուի, չծաւալի, չտիրէ մարդկութեան մէջ, բարբարոսութիւնը յաւիտեան չի վերնար աշխարհէս, եւ ամենէն լուսաւոր եւ բարակ ազգաց մէջ ալ պիտի մնայ եւ զօրանայ չարաչար բարբարոսութիւնը»¹⁶: Ալիշանի վերոյիշեալ համագոյթներից հետեւում է, որ ազգերի պատմականութեան խնդրի «առաջադրումը»՝ իբրեւ նոր ժամանակի եւրոպական ազգերի առանձնաշնորհ, ընդունելի է մեծ վերապահումով: Աւելին, անհիմն է ազգերի պատմականութեան աստիճանը «չափել» եւրոպացիների դիտանկիւնից: Ազգերի պատմականութեան խնդիրն աւելի օրինաչափ է դիտարկել իբրեւ ազգերի կենսագիրքորոշման որոշակի դրսեւորում: Ինչ վերաբերում է ազգերի քաղաքակրթուածութեան չափանիշին, ապա այն սահմանելի է որպէս ազգերի հոգեբարոյական «կարգավիճակի» խորհըդդանիչ:

Նշուածի լոյսի ներքոյ հարկ է արժեւորել հայ ազգի պատմական առաքելութեան Ալիշանի մեկնաբանումը: Ելնելով Ս. Գրքի, հին պատմաբանների եւ հին աւանդոյթների վկայութիւններից՝ մտածողը հաստատում է, որ Հայաստանը «սկրմարան մը ազգաց եւ ցեղից», զարմանալի «ընդդիմակայութեամբ մը հիւրընկալ եւ օրեւան եղած է զանազան ազգաց գաղթականներու»: Քսանհինգ դար շարունակ հայաստանաբնակ եւ Հայաստանի տարածքով («յատաջ եւ յետ իւր Հայաստան կոչչւելուն») անցած բազմաթիւ ժողովութեների մշակութային փոխներգործութիւնը պասկեց քրիստոնէական կրօնը, որ «սրբազն եւ անդրժեկի ըրաւ երկայն դարուց աշխատանքը, եւ այլքան տարբեր տարերքներէ ձևացուց

15 ՄՈՒՐԱԴԵԱՆ, Գ., Ճշմարիտ յառաջադիմութիւնը ու՞ր է, «Սիրն», 1874, թիւ 2, էջ 28:

16 ԱԼԻՇԱՆ, Հ. Դ., Բարբարոս եւ բարերարոյ, «Բազմավեպ», Ը (1850), թիւ 10, էջ 149:

մէկ ազգ մը...»: **Յաջորդ 1500 տարիներին** «քէ և հեռացեալ թէ և հայածեալ իւր բնիկ երկրէն, Հայն իրեն հետ կը կրէ իւր թերափէք. եւ կը մշակէ զհայրենիս իւր հարուստ լեզուին մէջ, եւ կը յարգէ զայն իւր կրօնին մէջ, կ'ուսանի անոր յիշատակաց մէջ, եւ կը պաշտէ զայն իւր սրտին մէջ: Այս հայրենասիրութիւնս, ի բաց բռղլով ոմանց մոլորդիլը եւ ոմանց անհոգութիւնը, առաջնորդեց անցուց Հայոց ազգը⁴⁴ դարու միջոց՝ ամէն տեսակ դիպուածէ, բնութեան և բաղաբականութեան յեղափոխութիւններէ, ընդ մէջ ազգաց, որ իրմէ վերջը ծնան եւ իրմէ առաջ մեռան»¹⁷:

Հայերի յարատեւութեան գաղտնիքը համարւում է այն, որ «ինքնին նախախնամեալ երկիր մ'էր Հայաստան եւ սիրելի բարձրելոյն, ուր շատ կանուխ յայննեցաւ. եւ պէտք է որ ամենայն ազգ որ իր ծագումը կը փնտու՝ դառնայ այդ երկրին նայի: Եղեմայ հետքը գրտնելու ապահավագոյն նամրայն է Հայաստան: Ինքն ընծայեց Ասուուծոյ իւր օրինեալ կաւր, եւ ընդունեցաւ անոր ձեռքէն զհայրն եւ զմայր մարդկութեան. ինքն ընծայեց ասոնց այլ ինչ որ պէտք էր իրենց պահպանութեան, իրենց սիրոյն եւ դղչմանը համար. ինքն եղած խանճարուրք առաջին ծնածին եւ գերեզման առաջին մնոնդին. ինքն բարձրացուց Արարատայ գագարը միւս անգամ ընդունելու շրհեղեղէն ազատած մարդկութեան մէկ հատիկ տունը. եւ այդ իրեն հիւր եղած մէկիկ ընտանիքով երկրորդ անգամ բոլոր երկիրս մարդարնակ ըրաւ»¹⁸: **Ուշագրաւ է այն հանգամանքը, որ Ալիշանի այս միտքը արտայայտել է նաեւ Հ. Գ. Այվազովսկին, ըստ որի՝ «...Ասուուծ հայերն ալ մեծ փախտանին մը համար ընտրեր ու միշտ պահպաներ է»¹⁹:** **Յատկանշական է,** որ Ալիշանը ամեննեւին էլ պատահական չի համարում այն հանգամանքը, որ Հայաստանը քրիստոնէութիւնն ընդունած առաջին երկիրն է: Ալիշին, Հայաստանը քրիստոնէութեան առաջին «պատուարն ըլլալով՝ ամեննեն ետքի պատուարն այլ է երկրիս արեւելակողմը»: Եւ եթէ հին դարերում Հայաստանը քրիստոնէութեան կղզի էր Արեւելքում, ապա նոր ժամանակաշրջանում թերակղզի է քրիստոնէութեան «այլահաւատ կրօնից մէջ»: **Մտածողի կարծիքով,** հէնց նշմարիտ կրօնի զգացումն է նպաստաւոր

17 ԱԼԻՇԱՆ, Հ. Ղ., Ռւսում Հայրեննաց. Բմախոսութիւմ Հայաստանի, «Բագմավէպ», ԺԹ(1861), թի 11, էջ 353-354:

18 ԱԼԻՇԱՆ, Հ. Ղ., Ռւսում Հայրեննաց. Բմախոսութիւմ Հայաստանի, «Բագմավէպ», ԺԹ(1861), թի 11, 355:

19 ԱՅՎԱԶԵՆ Գ., Հայոց ազգային պարժամֆենը, «Բագմավէպ», 1843, № 16, 254:

դարձել Հայաստանի «կնքնագլխութիւնը» պահպանելը եւ Հայի պատմական առաքելութիւնն իրագործելը, այսինքն՝ «համաձայնել իրարու զշահախնդրութիւն երկու աշխարհաց (Արեւելքի եւ Արեւ-մուտքի - Ռ. Մ.)» որոց մէջ դրեր է զինքը նախախնամութիւնն»²⁰:

Այսպէս, հիմնուելով հետեւեալ՝ Հայաստանը մարդկութեան բնօրրանն է եւ նրա հոգեւոր վերածնութեան կենտրոնը կանխաղրոյթի վրայ, Ալիշանը սահմանում է Հայ ազգի պատմականութիւնը. Հայը «հին եւ նոր եւ միջու պատմական» ազգ է: Նման սահմանումից բխեցում է Հայ ազգի՝ աստուածընուիր ազգ լինելու գաղափարը, դրանով իսկ հաստատում նրա յաւերժութեան հնարաւորութիւնը: Հէնց յաւերժութեան մէջ մարդու արմատաւորումը Հայ պահպանողականները, որոնց թւում նաեւ Հ. Ղեւոնդ Ալիշանը, դիտարկում են որպէս պատմութեան փսեմ խորհրդի իրականացում: Մինչդեռ գարաշընանի գաղափարական ուժադաշտով եւ ազգային կեցութեան հիմնախնդիրներով պայմանաւորուած՝ պատմութեան ուղղուածութեան եւ նպատակի համապարփակ խնդիրը («Ի՞նչ է մարդս, ուսկի՞ց կու գայ, եւ ո՞ւր կ'երթայց») կապակցում է հոգեբարյական բովանդակութիւն ունեցող «ազատութիւն» գաղափարի ըմբռնման հետ:

Վերը նշուած թոյլ է տալիս հաստատել, որ առաջադիմութեան էութեան ըմբռնման հենքի վրայ Հ. Ղեւոնդ Ալիշանը իմաստաւորում եւ «արդարացնում» է պատմութիւնը: Պատմութեան իմաստն ու արդարացնում է նա դիտում պատմական ընթացքը, որի նպատակն է մարդու մէջ մարդկային նախասկզբի զարգացումը: Ընդ որում, վերջինիս բացարձակ պայմանը նա համարում է էութեամբ ազգային մարդկային կեցութեան աւանդականութիւնը: Ռացիոնալութեան արեւմտածին աշխարհաքաղաքացիոնալութեանը հակասող աւանդականութիւնը նրա համար պատմական կեանքի, այսինքն՝ մարդու՝ որպէս անձնաւորութեան, կայացման գրաւականն է: Ուստի՝ պատմութիւնը մարդկութեան առաջադիմութեան նպաստող ազգերի առաջընթաց շարժում է եւ մարդկայնութեան իրականացման միջոց: Այդ բանաձեւը անհրաժեշտօրէն ենթադրում է ներկայի հետ անցեալի, իսկ ապադայի հետ՝ ժամանակային այդ երկու մոդուսների սերտ յարաբերակցում:

ՌԻՄՄ. ՄԻՐՈՒՄԵԱՆ

20 ԱԼԻՇԱՆ Դ., ՌԱՍՈՒՄ ՀԱՅՐԵՑՆԵԱԳ. ԲԱԽՈՍԱՊՐԻՒՑ ՀԱՅԱՍՏԱՆԻ, «Բագմալէպ», 1861, № 11, 355:

Summary

FR. GHEVONT ALISHAN'S PHILOSOPHICAL AND HISTORICAL CONCEPTS ABOUT "EAST-WEST" RELATION

RIMMA MIRUMYAN

The current situation in the world testifies to the end of the version of globalization based on the system of Western values, the latest in the history of our civilization. The essence of this process was the rejection of the highest spiritual and moral principles of the organization of social life and free cultural creation of the peoples of the world. Opposition to this process is observed even in the philosophical and historical concepts of the Armenian thinkers of the 19th century, and, in particular, the Armenian religious thinker Ghevond Alishan.

The idea of a certain opposition and interaction between Western and Eastern civilizations, conditioned by the integrity of these two megacycles of History, serves as the initial premise in the concept of Alishan. Alishan calls the East as the cradle of human civilization and the guardian of Tradition. The thinker believes that the main difference of the West is its constant craving for the new and the desire to unify the life of peoples. The East, unlike the West, seeks to preserve its civilizational origin and the cultural diversity of nations. Alishan considers the degree of spiritual and moral maturity of nations, and not the level of development of their socio-political life, to be the criterion of the historicity (civilization) of nations. In this context, Alishan notes the special historical (spiritual) mission of one of the most ancient nations in the world – the Armenian nation.